

Ленинэнь киява

ВЛКСМ-нь Мокшэрзянь обкомонь ды Саранскоень ошонь комитетэнь газетаст

ИЮНЕНЬ

5 чн.

1937 №

№ 63 (737)

ЛКСМ: 7-го 10 чн. 1937

Кочкамонь од системанть коряс советтнэс кочкамотненень комсомолонь организацият- ненень анокстамось ды комсомолсо политико-воспитательной роботанть асатыкстнэ

Иванов ялганть докладонзо коряс Мокшэрзянь ВЛКСМ-нь обкомонь IV-це пленумонть резолюциязо

ВЛКСМ-нь ЦК-нь III-це пленумонть решениятне, конат примазь СССР-нь од Конституциянт ютавтоманзо кувалт ды ВКП(б) нь ЦК-нь февральской пленумонть решениянзо, СТАЛИН ялганть докладонзо ды заключительной валонзо коряс, невить ВЛКСМ-нь весе организациятнень роботасост коренной поворот.

Те поворотонть существоваз ашти сень эйсэ, што сон седеяк пек лезды масторонть политической эрьмос од ломантнень таргамонть, государствос ветьмонь роботанть, од ломантнень политической активностест виензамонть.

(Косарев ялганть докладонзо коряс ВЛКСМ-нь ЦК-нь III-це пленумонть решениянзо).

ВЛКСМ нь ЦК-нь пленумонть те указанияз кармавты комсомолонь весе организациятнень допрок теэмс одс весе эсист роботаст ды вадрялгавтомс од ломантнень ютксо политико-воспитательной роботанть истя, штобу эцс седеяк пек возглавить од ломантнень политической активностень, улемс од ломантнень привтокс ды эцс седеяк кемест сынт пурнамс ВКП(б)-нть ды Советской властенть перька.

Тень туртов ленинской комсомолонть эстенз эряви весе роботасонзо ютавтомс келей демократия ды кемест топавамс демократической централизмань основатнень, кода тень веши ВЛКСМ-нь уставось. Тень туртов ленинской комсомолонть эряви ютавтомс эсинз ветиця органтинь алкуксонь выборность алсе организациятнестэ сазь верев пачкодемс, келейстэ ютавтомс эсь роботань асатыкстнень критиканть ды самокритиканть, эряви ютавтомс комсомолонь массатнень икеле комсомольской органтинь отчетность.

(ВЛКСМ-нь ЦК-нь III-це пленумонть решениянзо).

ВЛКСМ-нь ЦК-нь III-це пленумонть те указанияз седеяк пек относится Мокшэрзянь организациятнень, секс што сонс ВЛКСМ-нь обкомось лепштясь комсомолетнень праваст, лепштясь критиканть ды самокритиканть, тейнесь кооптация, 9 коновь перть эзь ютавтне ВЛКСМ-нь обкомонь пленум.

Комитеттнень пленумтнэ пурнавкшныть чуросто ды ламо таркава сынт роботаст полавтозь бюронь роботасо.

Торбеевань райкомонть составс кооптировазь 11 ломанть, Рыбкинань—14 ломанть. Кочкуровань РК нь бюрос кооптировазь 4 ломанть, Ковылкинань—3 ломанть, П.-Березникень—3 ломанть.

Кадошкинань ВЛКСМ-нь райкомось районной конференциядонть мейле организационной пленумдонть башка вестьяк эзь ютавтне райкомонь пленум. Пеледест ламо райкомтнэ 16 ковс ютавтсть 2-3-нь пленумт. Арась вейкеяк райком, конась бу пленумтнень пурнаволь ВЛКСМ-нь уставонть коряс—весть кавто ковс.

Организационной покш асатык-

стнэ ды политико-воспитательной роботанть допрок беряньстэ аравтомась, критиканть ды самокритиканть лавшосто келейгавтомась, оппортунистической благодушияз ды революционной бдительностень аразь-чись пачтысть сень, што комсомолонь башка организациятнестэ ветьясть контрреволюционной робота троцкистской ды лия двурушниктнэ. Ансяк политической беспечностень кувалт ды революционной бдительностень ношкалгавтоманзо кувалт комсомольской зярязь организациятнестэ классово-враждебной, троцкистской ды народонть лия врагтнень лангс таргамось моли комсомольской организациятнеде башка.

Обкомонть ансяк беспечностэнь толковави се, што ВЛКСМ-нь Атяшевской райкомонть руководствасонзо ульнест народонть отъявленной врагт — Топтыгин, Чернобровкин, Чамзинкас—Пальцев, Горбунов, «Комсомолонь вайгаль» редакциянт аппаратсонзо—Порватов, Виард, «Ленинэнь киявасо»—Платонов.

Комсомольской организациятнестэ политико-воспитательной роботаст те шкас кадовкшны допрок аволь удовлетворительнойкс. Те толковави васняк сеньсэ, што обкомонь руководящей комсомольской роботниктнэ—Иванов, Родионова, Киселев ды райкомонь сех ламо секретартне сынсь а ветьясть пропагандистской робота ды ловизь седе вадряк кемемс те роботанть беряньстэ анокстазь пропагандисттнень, сезевсть комсомолетнень ды аволь союзной од ломантнень эйстэ.

ВЛКСМ-нь обкомонь бюрось эзь тее политической выводт республиканской активнень решениятнестэ ды ВЛКСМ-нь обкомонь III-це пленумонть решениятнестэ ды ВЛКСМ-нь весе областной организациятнестэ эзь тее поворот пропагандистской роботанть вадрялгавтоманть.

Допрок аволь удовлетворительностэ аравтозь од активнень, сех пек мокшэрзятнень эйстэ выдвигениянть ды воспитаниянень роботаст. Те шкас апак машто касыця ды способной ялганть выдвигениянть эйстэ пелемась, седе вадряк ловить руководящей кадратнень делячески кочкамонть.

Воспитательной ды пропагандистской роботаст сех лавшосто аравтозь колхозтнэс, косо арась первичной комсомольской организацият. Неть колхозтнэс од ломант-

не кадозь сынсь эстест.

Колхозной од ломантнень ютксо воспитательной ды пропагандистской роботанть беряньстэ аравтоманть, антирелигиозной роботанть допрок кававтоманть тевс ютавнить классово-враждебной ды церковной элементтнэ.

ВЛКСМ-нь обкомонь пленумось пугы:

1. ВЛКСМ-нь обкомонь пленумось неуклонной руководствас ды тевс ютавтомс прими ВЛКСМ-нь ЦК-нь III-це пленумонть решениятнень ды лови, што роботань асатыкстнэ, конат тешкстазь ВЛКСМ-нь ЦК-нь III-це пленумонть решениятнэсэ, целанек ды микэс седеяк пек улить комсомолонь мокшэрзянь обкомонть ды областной весе организациянт роботасост.

2. Комсомольской организациясонть пропагандистской роботанть большевистскойкс организовамонзо кис, Пленумось лови эрвиксэкс теэмс вана мезе:

а) июль 15-це чинть самс весе школатнень ды кружоктнень кочкамс анокстазь пропагандист, пропагандистской роботасо васняк тевс ютавтомс руководящей комсомольской активнень, а холдтнемс школатнень ды кружоктнень занятиясост сезонность ды перерывт;

б) образцовостэ аравтомс пропагандистской семинартнэнь роботаст, сынт руководстванть аравтомс анокстазь ялгат. Пропсеми нартнэнь руководителтнень кочкамонть прядомс вейке коновь перть ды кемекстамонь кис максомс обкомонь бюронть;

в) коновь перть ВЛКСМ нь весе райкомтнэсэ теэмс лекторской группат од ломантнень ютксо лекциянть ды докладонь ютавтоманть кис. Ветьямс лекторской группатнень роботасост эрва чинь руководства;

г) коновь перть кемекстамс комсомольской руководящей весе активнень кружоконь ды школань руководителекс ды аравтомс комсомольской комитеттнэсэ сынт периодической отчетностест эсь личной пропагандистской роботадост;

д) 1937 иень июль-август ковтнэстэ ютавтомс колхозной организациянть комитеттнэнь секретарень ды комсоргонь 3 чинь семинар, конань эйсэ тонавтнемс Сталинськой Конституциянт ды ВЛКСМ-нь ЦК-нь III пленумонть решениянзо.

е) июнь ковсто ютавтомс ВЛКСМ-нь райкомонь политуче-

бань отделтнэнь заведующеень ды штатной пропагандистнэ совещания комсомолсонть пропагандистской роботанть вадрялгавтомадо вопрос марто;

ж) июль ковсто ютавтомс комсомолонь активнень районной промкст—СССР-нтэ международной ды внутренней положениядонзо вопрос марто;

з) регулярностэ ютавтнемс колхозной организациянть комсортнэнь туртов районной центратнэсэ лекцият международной положениянт ВКП(б)-нь историянт коряс ды антирелигиозной тематнэс.

2. Июльень 1-це чистэнь сазь ушодомс заявтиятнень велень пропагандистнэ областной школасонть, козо кочкамс персонально 40 тонавтият.

3. Кармавтомс обкомонь бюронть июнь 15-це чинть самс пеледэв топавамс ВЛКСМ-нь обкомонь III-це пленумонть решениянзо «Комсомолонь Вайгаль» ды «Ленинэнь киява» газетатнень редакциятнэс проверязь ды квалифицированной роботниктнэнь кучомадо.

4. Пленумось лови авидекс, зярд обкомонь отделтнэнь заведующейтнень тейнить раз'ездной инструкторкс, ды мери бюронть икеле пелень роботасонть тенень пугомс пе.

5. Обкомонь Пленумось вөпи обкомонь бюронть, райкомтнэнь ды первичной организациятнень пельде кочкамонь од системанть коряс советтнэс сыця кочкамотнень марто пугомс пек покш мель од ломантнень ды седеяк пек мокшэрзянь од тейтерь-аватнэнь ютксо сермас а содамонть маштоманть.

6. Пленумось веши обкомонь бюронть райкомтнэнь ды первичной организациятнень пельде серьезностэ мелявтомс комсомольской организациянт касоманзо кис, сех пек колхозной икеле молиця од ломантнень эйстэ, ды организовамс первичной организацият колхозтнэсэ, косо сын арась.

7. Промксонь ютавтнеманть постановкань, лекциянть ды беседань тейнеманть вельде од ломантнень ютксо организовамс сень, штобу толковамс троцкистской японо-германской агенттнэнь, бухариетнэнь ды лия двурушниктнэнь предательской, шпионской ды вредительской деятельностинь уроктнэнь, комсомольской массатнень ды весе од ломантнень мобилизовамс революционной бдительностень ды классовой боеспособностень кепедеманть, советской весе од ломантнень воспитывать большевизмань духсо, большевикень партиянт тевентень преданностень духсо, «антисоветской деятельностинь ды агитациянть весе снартнематнэнь ненавистнень, нетерпимостень ды боевитостень духсо ды шкань апак ютавтне максомс энергичной отпор враждебной элементтнэнь, кить бу сын авольть уле ды кодамо предлог ало бу сын авольть кортве». (ВЛКСМ-нь ЦК-нь пленумонть решениятнэсэ).

(Пезэ 2-це страницасэ)

ИНФОРМАЦИОННОЙ ЕВТАВКС

1937 иень июнь 1—3 це читнестэ ютась ВЛКСМ-нь Мокшэрзянь обкомонть IV-це Пленумозо. Пленумось толковась истят вопрот: 1) кочкамонь од системанть коряс Советтнэс кочкамотненень комсомольской организациятнень анокстамось ды комсомолонть политико-воспитательной роботанть асатыкстнэ ды 2) ВЛКСМ-нь Мокшэрзянь организациясонть комсомольской органтинь кочкамот ютавтомадонть.

ИВАНОВ ЯЛГАНТЬ ДОКЛАДОНЗО КОРЯС МОКШЭРЗЯНЬ ВЛКСМ-НЬ ОБКОМОНЬ IV-це ПЛЕНУМОНТЬ РЕЗОЛЮЦИЯЗО (ПЕЗЭ)

Райкомтнэнь ды первичной организациятнэнь Пленумось мери комсомолетнэнь ды од ломантнэнь ютксо организовамс „О некоторых коварных приемах вербовочной работы иностранных разведок“ Уранов ялганть брошюранзо толковамонть.

Кочкамонь од системанть коряс советнэс кочкамотнэнь анокстамонть ютавомс истят мероприятия:

1). Августонь 10-це чинть самс ютавомс первичной организациятнэнь секретартнэнь совещаният кочкамонь од системанть коряс советнэс кочкамотнэнь сынст анокстамост впроствэнь кувалт.

Эрва кува ютавомс колхозной од ломантнэнь ды башка колхозной од тейтерь-аватнэнь промкст кочкамонь од системанть коряс советнэс кочкамотнэсь од ломантнэнь участиядот впроствэнь коряс.

2). Ютавомс комсомолсо а аштия робочей ды колхозной од ломантнэнь районной конференцият советнэс кочкамотнэсь од ломантнэнь участиядот впроствэнь коряс.

3). Октябрь ковстонть ютавомс Мокшэрзянь АССР-нь од тейтерь-аватнэнь с'езд советнэс кочкамотнэсь од тейтерь-аватнэнь участиядот впроствэнь коряс.

4). ВЛКСМ-нь весе райкомтнэсь ютавомс велень од интеллигенциянт—врачтнэнь, агрономтнэнь, учительтнэнь совещаният советнэс сыця кочкамотнэсь комсомолонть марто сынст вейсэнть роботадост впроствэнь коряс.

5). Пленумось лови эрвиксэкс весе районтнэсь ютавомс советнэс од депутаттнэнь совещаният кочкамонь од системанть коряс

советнэс кочкамотнэнь анокстамонь впроствэнь коряс.

6). Кочкамонь од системанть коряс советнэс сыця кочкамотнэнь кувалт организовамс разъянительной робота кудо-ютконь од хозяйкатнэнь, кудо-ютконь роботничатнэнь ютксо, истя жо сеть од ломантнэнь ютксо, конат роботыть торговой учреждениятнэсь, коммунальной предприятиятнэсь, кустарно-промышленной артельтнэсь ды лесоразработкатнэсь.

7). Комсомолонь вийтнэсь вейсэ учительтнэнь, агрономтнэнь, врачтнэнь марто большевикс келейгавтомс од ломантнэнь ютксо антирелигиозной пропаганданть (лекцият, докладт, беседат), цидярдозь толковамс од ломантнэнь суевериянт ды религиозной предрасудкатнэнь зыянонь, кемекстамс СВБ-нь организациятнэнь активной комсомолетнэсь, макснемс кеме отпор церковниктнэнь контрреволюционной вылазкатнэнь.

ВЛКСМ-нь областной комитетэнь пленумось комсомолонь весе организациянт терди пурнам весе вейс вийтнэнь ВКП(б) нь ЦК-нь февральской пленумонть исторической решениятнэнь педепев топавтом, Сталин ялганть указаниятнэнь педепев топавтом, конатнэнь сон теинзе ЦК нь Пленумсонть ды ВЛКСМ нь ЦК нь III-це пленумонть решениянзо топавтомантнэнь, эсь роботасонть асатыкстнэнь седе куроко витемантнэнь, политической беспечностенть маштомантнэнь; тең кис организовамс большевистской критика ды самокритика организациянт весе звенатнэсь ды эсь рядтнэнь ды советской од ломантнэнь эщо седеак пек кеместэ пурнам Ленинэнь—Сталинэнь партиянт ды сонэз ЦК-нть перька.

Уцяскав эрямо

Кенде велень „Юантер“ ды Литвинов лемсэ колхозтнэсь колхозниктнэ ды колхозницатне колхозонь организовамодо икеле эрять пек беряньстэ. Потешкин И. З., Миронов М., Забелина, Акайкина, Софронова ды лиятне икеле эрять пек беднойстэ ды роботакиность кулактнэнь ды поптнэнь лангс.

Сынй ней эрять сюпавсто. Эрванть улить скалозо, телказо ды ревензэ. Потешкин И. З. ялгась евтнекшны, кода икеле беднойтнэнь лангсо нарьгасть кулактнэ ды поптнэ.

— Ней мон эрян сюпавсто,—корты Потешкин колхозникесь,—получан газетат, кудосон патефон.

Скотинан улить. Эйкакшом весе оршазь вадрясто, монсь роботан колхозсо.

Забелина, Акайкина ды Софронова колхозницатне ламо эйкакшонь трымонт-кастоманть кис государстванть пельде получасть кавтонь-кавтонь тыщат целковойть.

— Минь ней весе оршадзяно парсте, эрятао вадрясто,—кортыть колхозницатне,—Сталин ялгась миненек макссь вадря, весела, сюпав ды уцяскав эрямо. Покштояк покш пасиба ине Сталинэнь уцяскав эрямонть кис.

М. Депцов.

Дубенкань р-н.

Уцяскав шкань эйкакшт

— Седикеле уцяскак ловсть сетлэвты минек правительствась, мелявты сонсь Сталин ялгась. Волкова евтни, кодамо пек покш кенярдомакс весе сынст семиянтнэнь ульнэсь се чись, зардо тест макссть государственной пособия кавто тыщат целковойть. Мон, кели кастасын эйкакшом истя, штобу сынст кис ине Сталинэнь мелявтомась стяко аволь ема, штобу монь вечкевикс эйдем улелелть минек масторонть достойной церакс ды тейтерекс.

Березникень район,
Ко согор веле

И. Агапов.

Кода Ардатовань райкомось емсевтинзе комсомолетнэнь

Ардатовань районсо комсомолонь ламо первичной организациятнэсь допрок арась воспитательной робота. Вана Ало велесэ комсомолонь первичной организациясонть лововить 12 комсомолетнэ. Ней жо кадовсть 5 комсомолетнэ. Сисем комсомолетнэ эсь прят а ловить комсомолетэкс ансяк секс, што сынст марто арась политвоспитательной робота. Кадовикс 5 комсомолетнэнь арась билетэст ды 5 ковт эсть павдо членской взност.

Ветеце ков уш, кода эзь ульнэ комсомолонь вейкеяк промкс. Комсомолетнэ газетат а ловныть. Те истя лисэ секс, што ВЛКСМ-нь организациясонть допрок а ветяви воспитательной робота, а комсоргось Козлов кадызе организациянт. Те ансяк секс, што комсомолонь райкомось (секретаресь Горячев) 5-це ков уш а варштни Аловань комсомольской организациянт лангс.

Аволь седе вадрясто ашти теvesь Манадышка велесэ ВЛКСМ-нь организациясонтькак. Тосо лововить 25 комсомолетнэ, конатнэсь 12 примазь одс. Те организация

сонть истя жо арась кодамояк робота. Комсомолонь промкст а эрсить, политкружокось а роботы секс, што арась руководитель—пропагандист. Комсомолетнэ газетат а ловныть. СССР-нь Конституциянт эзизь тонавтне. МАССР-нь Конституциянт проектэнт вейкеяк комсомолет эзизе ловно.

Колхозсо улить ламо од ломанть, конатнэнь ули мелест комсомолсовамо, но комсомолонь организациясь яла-теке а касы ансяк секс, што аволь союзной од ломантнэнь ютксо а ветяви меньгак робота. ВЛКСМ-нь организациясонть ули кемекстазь коммунист Яшин, но сон кодамояк лезкс а максы.

Истя жо беряньстэ ашти теvesь Чукалонь „Путь Ильича“ колхозсо комсомолонь первичной организациясонть. Тосо колмо ковоңь перть полавсть 4 комсоргт.

ВЛКСМ нь организациятнэсь истямо положениясь секс, што Ардатовань райкомонть роботниктнэ ды сонэз секретаресь Горячев а лиснить эсист кабинетстэ ды а содасызь эсист организациянтнэнь.

Ф. Кипайкин.

Тонавнтить Косарев ялганть докладовзо

Маень 30-це чистэнт Дубенкань комсомолетнэ тонавнтить Косарев ялганть докладовзо, конань сон теинзе ВЛКСМ-нь ЦК-нь

III-це пленумсонть. Косарев ялганть докладовзо тонавнтне тердезельть аволь союзной ламо од ломантькак.

А. Чарин.

Мекс а касы комсомольской организациясь

Дубенкань район. Сайне велесэ зарья од ломанть арсить совамс комсомолс. Сынй парсте роботыть колхозной производствасо, бажить тонавнтне, бажить улемс политически грамотноекс. Ансяк арась ютксо кодамояк робота. Комсомольской организациясь сынст а содасынзе, сон местькак а тейни сень коряс, штобу достойной од

ломантнэнь анокстамс комсомолсовамо. Секс комсомольской организациясь вишкине, а касы.

Сайне велесэ вообще кияк а веть, од ломантнэнь ютксо культурно-массовой, политической робота. Улить тосо клуб, ловнома кудо, ансяк сынй зардоак а панжтневить.

Ив. Батяйкин.

ТОМИЛИН ЯЛГАСЬ ЛЕЗДЫ ВАДРЯСТО

Ромодановань район. Козловка велесэ комсомолонь первичной организациясонть весемезэ 8 комсомолетнэ. Икеле комсомолетнэнь марто роботась ульнэсь аравтозь беряньстэ.

Ней ВЛКСМ нь райкомось те организациянтнэнь пропагандистэкс

кемекстызе Томилин ялганть, конась парсте аравтызе роботанть. Ней политтонавнтнемаь моли вадрясто. Политкружоксо сехте вадрясто тонавнтить Синяев ды Баников комсомолетнэ. Кото комсомолет сермадствось газета лангс.

Вл. Ананьин.

Ветямс антирелигиозной робота

Ташто Мурза велесэ школань руководителне ды учительтне а ветить антирелигиозной робота тонавнтницатнэнь ютксо.

Кой кона тонавнтницатне мешть

сэст кантлить крест ды ознить. Учителтне эсист воспитательной роботаст а сюлмить антирелигиозной роботанть марто.

П. Н.

Кармавтомс Русскинэнь роботамо

Дубенкань район. Кенде велесэ ульнэсь организоваз СВБ-нь ячейка, конань руководителкс роботась Акайкин ялгась.

Ней жо руководителкс аравтызь П. Русскин ялганть, конась

аволь ансяк местькака тейни, но а содасынзе члентнэнькак ды апак пурна членской взностнэяк. Эряви кармавтомс Русскинэнь роботамо.

М. С.

Ленянь отважной поступказо

Маень 27-це чистэ Чамзинка велесэ ульнэсь покш пожар. Палсть зарья кудот. Вейке кудосо ульнэсь ансяк колмо эйкакшт.

Кудонть паломсто кавтотне (вишкинетне) кириявтсь кудостонть ды тусть. Колмоцесь (омбоце классо тонавнтница) Маркелов Ленка

таргизе вальманть ды толонь пачкертнэнь одижатнэнь ды сундуктнэнь. Мейле жо, кода потолокось кармась певереме, Лени тол потмова кириявтсь ушов ды эзь томбавгак.

Н. Симдянов.

„МЕНЬГАК 10-це КЛАСС АРАСЬ“

Шугуровань средней школасонть тедиде васенцеде улитъ нолдазь 10-це классонь тонавтництне. Весе райононтень те покш тев, ансяк вана МАССР-нь Наркомпросось мезеяк а соды. Шугуровань средней школасонть ламоксть ульнестъ Наркомпросонь представитель, примеркс Ахматов. Ансяк сынсь а содыть, мейсь тов яксестъ. Сынъ мик а содытькак, зяро класст те средней школасонть.

Школань дирекциясь тундонь перть яла учось Наркомпросонть нельде 10-це классонть туртов контрольной роботатнень текст. Ютавтызь испытаниятнень кавксо читнень ды весе тевесь лоткась. Чиильть РОНО-в, тосо мерильть: минь а чумотано, тевесь наркомпросонть лавгсо.

Маень 27-це чистэнтъ завучось

Спинов звонясь Наркомпросов Макаровнэнь. Весе наркомпросовечтнэ кармасть мик дивамо, зярдэ марясть, што Шугуровань средней школасонть ули 10-це класс. „Кода истя, мейсь сынъ кенгелить. Меньгак 10-це класс тосо арась.“ Секс Макаров телефон вельде Спиновнэнь отвечась: „Тынк тосо кодамо як выпуск арась, контрольной роботань текстнэ тенк а мезекс ды а кучтанояк, тынстемеккак минек ламо тевенек.“

Мейсь мелеть, сень тейнек. МАССР-нь Наркомпросось мезеяк, кода рузтнэ мерить, не признает, выпусконть темадо а мери, секс, што, сонзэ койсэ, Шугуровань школасонть 10-це класс арась.

И. Горбунов

Покш Березникень район.

Ловнома кудонь роботниктнэнь совещания

Ардатовань район. Маень 23-це чистэ Ардатовань соц. культурань кудонь ульнесь ловнома кудонь заведующейтнень совещания. Эсист роботадост отчет тейсть ловнома-кудонь заведующейтне Воронин (Четвертакова), Барышев (Кеченьбуе), Павелко (Силина) ды лият.

Отчетнэстэ неяви, што ловнома кудот не роботыть ташто, кампанейской метод со. Истя, увлекшись видемань вопростнэс, сынъ стувтызь од Конституциянтъ коряс советнэнь кочкамонть анокстамонть. Вана Полань ловнома кудонь заведующейтне (сон жо парторг) Лобачев ялгась мери, што „мон а содангак, мезе эрви теэмс кочкамотнес анокстамонть коряс“.

Совещаниясь истя жо певтизе, што антирелигиозной роботась эри ансяк религиозной праздниктнэстэ. Ламо велеве улитъ организовазь СВВ-нь кружокт, но вейкеськак а роботы. Ловнома кудотне допрок лавшо сто роботыть сермас а содыця ды аламо содыцятнень марто. Сынст а эрсить роботамонь планостак.

Ловнома кудонь заведующейтнень марто РайОНО-сь кемень ковс вейкеяк со-

вещ ния эзь тейне. Политпросвет отделень инструктортне велев якить чуросто, васоло велетнесэ иень перть вестькак арасельть.

Аволь умок Редкодубие велесэнтъ ульнесь РИК-нь председателестъ полавтыпя-во Волосович ялгась. Сон ансяк потмо ды ушо ендэ ваньке кудонть, но эзь варшта сень лангс, кодамо условиясо роботы. Ловнома кудонь ламо роботникт январень ковсто сазеь те шкас эсть получа зарплата. Райисполкомось тень марто кодаткак мерат а прими.

Совещаниясь шнызе Кировской областэс Аджинской клубонь роботниктнэнь обращенияст клубонь заведующейтнень ютксо соцпелкстамонь организовамонть кувалт.

Совещаниясь тейсь путовкс: сюлмавомс соцпелкстамонть ды седе вадрясто аравтомс культурно-просветительной роботанть. Келейгавтомс советнэс кочкамотненень анокстамо роботатъ. Свал ветамс антирелигиозной робота, живуявтомс СВВ-нь кружоктнэнь роботаст. Ловнома кудотнесэ организовамс справочной столбъ ды ветамс справочной робота.

Г. Юртаев.

Ков молемс Ромодановань од ломантненень

Ромодановань РОНО-нь заведующейтне Монаховонь превс умок уш сакшнось мель: культурань ды оймсемань парконтень маентъ самс теэмс ловнома кудо. Ульнесь тешкстазь таркаяк, рамазель вирьгак ды лия эрвиакс материалтак. Но кавтошка чиде мейле сынъ ведсь прок ваясть, санзь сынст ды нолдызь лия тевс. Тевесь весе лоткась. Ды ансяк ково ламо шкань ютазь теезель берякшке ловнома кудо. Кодамояк робота эйснэз арась. Потмосонзо ансяк столбъ, сетнень лангскак хулигантнэ сермалестъ эрва кодат визькс валт,

секс, што тосо азор арась, кияк мезеньгак кис а отечи, мейсь, как а тейни. Од ломантне, сех пек од тейтертне те ловнома кудонтень а якитькак.

Лияв жо молемскак а ков. Парконтень, киштематнеде башка, мезеяк паро арась. РОНО-нь заведующейтне Монаховонь распоряжениязо коряс умок уш пекстазь ды те шкас яла апак панжо соцкультурань кудосъ. Ды, бульчом, ансяк сексентень сонзэ панжсызъ. Косо жо Ромодановань од ломантненень ютавтнемс ютко шкаст?

В. Л. Ананьин.

„Карматано фольклоронь пурнамо“

Те тердеманть минек од ломантне, комсомолецтнэ, тонавтництне вастызь покш мельсэ. Редакция эрва чистэ сынъ зярыя сермат, конатнесэ юнкортнэ шныть те ушодксонть, мерить, што сынъ кармить, кой-конат кармасть уш эрзянь евксонь, моронь, валмеревксэнь пурнамо. Тедэ сермадыть тенек И. А. Ярославкин, Е. И. Агеев ялгатне ды ламо лият. Тедэ минь печатак шнынек уш зярыя юнкортнэ сермат.

Редакциясь получасть уш сидикелень народной ламо морот. Сынст эйстэ сех партнэ улитъ печат-

тазь, лиятне жо улитъ максозь мокшэрзянь келень, литературань научно-исследовательской институтов. Кой кона ялгатне фольклоронь пурнамонть чаркодизь а видестэ, сынъ пурныть ансяк морот, ды ансяк сидикелень эрямодонть, эрямо койтнеде. Ламот кевкстнить: можна ли пурнамс евкст ды валмеревкст? Да, можна ды эрви.

Эрви пурнамс неень шкань народной морот, евкст, частушкат, валмеревкст.

Редакциясь.



Пелеве ено полюсонть ливтямодо икеле. Снимкасонть: СССР Н-170" флагманской кораблянтъ командирэсь Советской Союзонь героесъ М. В. Водопьянов ялгась (кери ено) ды омбоце пилотось М. С. Бабушкин ялгась (вить ено) получить Московско центральной аэроклубонь стартерэнтъ указаният.

Сех парсте тонавтниця

Байгушкин ялгась тонавтни Кочуровань районной колхозной школасонть счетоводной курссо. Весе отметканзо сонзэ парт ды пек парт. Сон аноксты сенень, штобу курстнэнь прядомс шнамонь грамота марто.

Байгушкин ялгась курстнэсэ тонавтенмадонть, уроктнэнь вадрясто анокстамодонть башка ловнокшны художественной зярыя произведенийт.

Ив. Мокшанин.

Знатной ломанентъ семиязо

Кабай велень Каганович лемсэ колхозсонть И. Н. Маскалев—знатной ломань. Сон—колмоце бригадангъ вечкевикс бригадир. Бригадизо колхозсонть икеле молиция. Трудосъ тосо организовазь парсте. Маскалевонь низэ истя жо якси колхозонь роботатнес.

Яша церазо отличнойстэ прядызе средней школань 7-це классонть. Ней сон кучозь курортгов. Яша пек вечки музыка, тетязо тензэ рамась гармония. Катя ды Зоя тейтертнэненъ — балалайка. Катя тонавтни Кабай велень средней школасонть, Зоя—начальной школасо. Кавонест отличничат.

Седикеле Маскалевонь семиясь Кабай велесэнтъ сех беряньстэ эриль. Ней жо сынъ строясть вадря кудо, потмозо ванькс, мазый, чоп-чоп морси ды корты радио. Вальматнесэ штorkат ды цецят. Ули скалост ды ревест. А стяко Маскалев корты: „Мон алкукс зажиточнойстэ ды культурнойстэ карминь эрямо“.

Н. С. Быков.

Дубенкань район.

Макс а максыть премиятнень

Косогоронь аволь полной средней школась мартонь 8-це чистэ явокшнось премият вадрясто тонавтниця тейтертнэненъ, но неть премиятнень те шкас эзизь макссо.

Те секс, што вельсоветэнь председателесъ Яськин ялгась а макссы школанть ярмакт. Истя жо умок а панды зарплата школань сторожихатнэненъгак. Клубонь заведующейтне Маркин ялгась 5-це ков уш а получи зарплата. Зярдэ жо Яськин карми пандомо?

Н. Мокшов.

ЧАСТУШКАТ

Эх, кодамо шкась весела, Садось сиясо цвети. Минек эйсэ ине Сталин Коммунизматень вети!

Састо увны пиче виресь, Пяже салмукскетъ кайси. Курок Петя бригадирэсь Лесань козейкак сайсы.

Менелесь ванькс хрусталькс маней Одирьвакс пееди чись. Ине Сталиннэнь пасиба Сюлав эрямонок кис.

Минек ине масторонок Вельтязь мазый цецясэ. Стахановка-тейтеръ Груня Ульнесь инжекс Кремлюсо.

Гармониясь цянавкс чолъин, Сиякс гайги монъ мором. Эрва чистэ мазылгады Ине виень мастором!

И. А. Ярославкин.

БОБИН МИШАНЬ БРИГАДАЗО

Хлыстовка велень „Красный Октябрь“ колхозсонть Бобин Михаил нилесе ие уш роботы бригадирэкс. Сонзэ бригадизо весе тевтнесэ моли сех икеле. Тедиде васенцекекс ды сех парсте прядызе тунда видеманть, сень лангс апак вано, што лия бригадатнэненъ ламо гектарт соказы тракторсо, Бобин Мишань бригадасъ жо сокамонтъкак, видемантькак ютавтынзе лишметнесэ. Бригадасонть кассть истят ломанть, конатнень содасынзе весе колхозосы: Косынкин Гриша, Конов Сергей, Конов Василий, Ямашкин Павел ды лият. Кодамо тевсэ бу авольть робота, сынъ тейсызъ шкасто ды парсте.

Бригадасонть а беряньстэ аравтозь культурно-воспитательной роботась. Паксянь стантнэсэ улитъ библиотекат, газетат.

Бобин Миша ды весе сонзэ бригадасъ бороцитъ сень кис, штобу тедиде саемс истямо урожай, кодамо зярдояк арасель Хлыстовкасо.

Н. Калеев.

Чаманикань район.

Испанской социалистической партианть, компартианть ды всеобщей рабочей союзонть воззванияст

Испанской социалистической партианть, коммунистической партианть ды всеобщей рабочей союзонть кучсь воззвания Коминтернанть, омбоце ды амстердамской Интернационалтиань германской эскадранть ендю Альмериянть бомбардировамонзо кувалт. Воззваниясонть евтаз:

„Мировой пролетариатонь авангардось должен примамс весе мератненъ сеть народтненъ марто пролетарской солидарностень мобилизовамонь кис, конатненъ арась мелест сенень, штобу фашизманть планонзо улевельть ютавтозъ тевс ды штобу мирсь араволь всеобщей бойнянь адокс“.

Социалистической объединенной од ломанень федерациясь (кова те есь социалистической ды коммунистической од ломартненъ объединениянть вельде) есь воззваниясонзо терди од ломанень весе организациятненъ ды, сех пек, анархистскоенть, кеме союзонъ тееме. Воззваниясонть тешкстаз: „Испаниясь жардоак а карми улеме фашистской Германиянть колониякс“.

(ТАСС).

Бискайской фронтсонть

Кавто ковт теде икеле фашистнэ ушодсть покш наступления бискайской (пеле ве ено) фронтсонть. Сынь снартненъ саеме Басктнэнь масторонть ды сонзэ главной ошонть, И паниянь индустриальной сех покш центранть—Бильбаонть. Пек покш стака таркатненъ лангс атак ваню, республиканецтнэ организовасть виев оборона. Фашистской 60.000 армиянень, конанть главной нежек аштити итало-германской интервентнэ,—пек ламо жертванъ питнесэ, удалась саемс Басктнэнь масторонть пельксизэ, но решающей успехт сыненст эзь тееве. Республиканецтнэ ванстызь эсь военной виест, конатненъ боеспособностест кась эрва чистэ. Бильбаонть перька республиканецтнэ тейсть пек укрепленной полоса, конанть видсь фашистнэ эщо эзь пачкоде. Фронтонь основной участкатнесэ инициативась ютась республиканской войскактнэнь кедсь.

Бильбаонть перька оборонительной тарканть вакса ютамо снартозь, фашистнэ меельсь шкастонть эсь главной вачкодемаст нолдызь Ордунья ошонть районс (Бильбаонть эйстэ обед ено—чилисема пеле 32 километранъ туро). Бильбаонть лангс зверской воздушной свал налеттнэнь марто ве шкасто фашистнэ кармасть леднеме ошонть лангс дальнбойной орудиясто.

Центральной (матридской) фронтсонть республиканской войскактнэ виензавтыть Сеговиянть лангс наступлениянть. (Сеговиясь—Матридэнь эйстэ пеле ве енксонь—чилисеманть пеле покш ош).

Разведывательной ливтямонть пингстэ авиационной катастрофастонть бискайской фронтсонть маштовсь Мола генералось—Испаниясо военно-фашистской мятеженъ главартнестэ вейкесь, мятежиктнэнь войскактнэнь пеле ве ено группанть командуеесь.

(ТАСС).

ДИМИТРОВ ЯЛГАНТЬ ОТВЕТЭЗЗ РАМОН ЛЕМОНЕ-ДАНЕНЬ, ХОЗЕ ДИАСНЭНЬ ДЫ ФЕЛИПЕ ПРЕТЕЛЬНЕНЬ

Димитров ялгась кучсь Испаниянь рабочей социалистической партианъ секретарентень, Рамон Лемонеданень, Испаниянь коммунистической партианъ генеральной секретарентень Хозе Диаснэнь ды Испаниянь всеобщей рабочей союзонъ генеральной секретарентень обязанностишэ шкас топавтыцянтень Фелипе Претельнэнь истямо содержаниянть телеграмма:

„Тедиенъ июненъ 1-це чинъ тынк радиограмманк лангс ответэкс пачттианъ тынк сведения, што Коммунистической Интернационалонъ Исполкомось целанек поддерживает испанской народонть ванстоманз кис, конанъ лангс каявсь германской ды итальянской фашизмась, Социалистической Рабочей Интернационалонъ, коммунистической интернационалонъ ды Профсоюзтнэнь международной объединениянъ действиинэнь организовамо тынк предложениянк. Фашизманть ды войнанть каршо бороцямосо международной пролетариатонть действиинъ единстванть аравтоманъ неуклонной политиканть коряс теезь, фашистской мятежиктнэнь ды интервентнэнь каршо героическоентэ бороцця испанской народонть ено безоговорочноистэ аштезь, Коммунистической Интернационалось аволь вестъ тейнесь обращеният Социалистической Рабочей Интер-

националонть международной рабочей организациятнэнь дейсэнь действиянъ организовамо предложения марто, кона ашти проксехте решающей средствакс фашизманъ каршо бороцямосонть, демократиянть ды мирэнь ванстамо тевсэнтэ. Сави жаламс, неть предложениянть те шкас эзьт максо положительной результатт сенъ кувалт, што сынт эзинзе прима Социалистической Рабочей Интернационалонъ руководствась.

Альмериянть бомбардировамодо мейле теевезь положениянть серьезностензэ ловозь ды тынк обращениянть основанзо лангсо, минь приматано мерат Социалистической Рабочей Интернационалонть марто связанъ аравтоманть. Течи минь кучинек истямо телеграмма Социалистической Рабочей Интернационалонъ председателентень Де-Брукернэнь:

Минь тейсынек весе мезе минек тееви, штобу фашистской варвартнэнь эйстэ испанской народонть ванстоманъ тевсэ ды международной мирэнь ванстоманъ международной пролетариатось добуваволь настоятельной эрвикс единства.

Коммунистической Интернационалонъ Исполкомонть пельде. Генеральной секретаресъ Г. ДИМИТРОВ“.

ДИМИТРОВ ЯЛГАНТЬ ТЕЛЕГРАММАЗО СОЦИАЛИСТИЧЕСКОЙ РАБОЧЕЕНЫ ИСПОЛКОМОНЬ ПРЕДСЕДАТЕЛЕНТЬ ДЕ-БРУКЕРНЭНЬ

„Минь получинек Валенсиясто Испаниянь Социалистической партианть, коммунистической партианть ды Всеобщей Рабочей Союзонть обращеният испанской народонть ванстоманъ кис, конанъ лангс каявсь германской ды итальянской фашизмась, международной рабочей организациятнэнь дейсэнь действиядот предложения марто.

Арситяно, што тынь истя жо ушполучинк те обращениянть. Тень кувалт минь пачттианъ тынк сведения, што минь допрок согласнойть испанской ялгатнэнь предложеният марто ды целанек аштитианъ сынт инициативаст кис. Минь эсинек ендю тейдяно предложения теемс весе колмо интер-

националтианъ (Коммунистической Интернационалонть, Социалистической Рабочей Интернационалонть ды профсоюзтнэнь международной объединениянть) дейсэнь контактной комиссия Испаниясо Германиянъ ды Италиянъ военной интервенциянть каршо дейсэнь международной единстванъ туртов. Минь аноктано толковамс коть кодамо предложениятнэнь тынк ендю, кода Профсоюзтнэнь международной Обединениянть ендюак, испанской народонть ванстома тевсэ.

Коммунистической Интернационалонъ Исполкомонть пельде. Генеральной секретаресъ Г. ДИМИТРОВ“.

Япониянь правительстванть формирови Коное

Япониянь печатесь сермады, што Япониянь од правительстванть формировамонзо императорось максызе верховной палатанъ председателентень Коное князентень. Коное примизе те поручениянть. Коное икелевгак карми напав невтеме сонсинзэ назначамонзо отношениянть военной виентень.

Япониянь газетатне икельсе статьясост ве мельсэ шныть Хаясинъ правительстванть туеманзо. Истя

жо те марто газетатне ловить, што правительстванть внешней ды внутренней политиказо кадови атак полавт, ды вооружениянъ кастоманъ ды милитаризациянъ политиканъ енкстнэ кармить молеме истя жо икелевгак. А вейкетч-чись может улемс ансяк сенсэ, што од правительствасонть кармить истя эли кода участвовамо политической партиатнеак.

(ТАСС).

Альмериянть бомбардировамонзо каршо Испанской правительстванть протестэзэ

СССР-сэ Испанской посолось Марселино Паскуа господинесь евтаз лия мастортнэнь марто тевень ветиця народной комиссаронть тевензэ шкас ветицянтень В. П. Потемкин ялганть Альмерия ошонть германской эскадранть ендю бомбар-

дировамонъ обстоятелстватнеде ды мерсь, што Испанской Республиканъ правительствась яволявты энергичной протест Германиянть агрессивной действиянзо каршо.

(ТАСС).

САРАНСК—МОСКОВ—САРАНСК

Саранскоентэ железно-дорожной средней 31-це номершколанъ комсомолецтнэ-тонавтнициянъ инициативаст СССР-нь СНК-со физкультуранъ ды спортонъ тевтнэнь коряс комитетэнтень энялдсть меремс ютавтомадо велосипедсэ ардома Саранск—Москов—Саранск маршрутонъ коряс (мекев-васов 1286 вайгельбетэ), комитетэсь мерсь ютавомс велопробегенть.

Минь те пробегентень аноктамо карминек апрель ковсто уш. Комсомольской промкссо кемекстаз команданть состав. Весе кемекстазтнэ ютась истэнтэ примастэ участия Саранск—Ардатов—Саранск маршрутканть велопробегсэнтэ.

Минек пробегенть целезэ: максомс РСФСР-нь Наркомпросонть ды Ленинской кшнинъ ки лангонъ управлениясонть школанъ отделэнтень рапорт седе, кода Мордовиясо прыдозь тонавтнеманъ иесь.

Минь покш мельсэ ушодсьнек те пробегенть ды честь марто прыдсьнек сонзэ. Кемдяно, што соответствующей организациянть тенеке максыть эрвикс лезкс велопробегенть ютавомадонть.

Командирэсь В. Гриник, Политрукось А. Дмитриев, Участниктнэ Козиков, Ивенин, Тихов.

— о о о —

САРАНСК—РУЗАЕВКА

Маенъ 30-це чистэ Мокшэрзянь пединститутонъ студентнэ тейнестэ военной ялго поход Саранскойтэ Рузаевкав. Те походось ульнесь организовазь дирекциянть, ВЛКСМ-нь комитетэнтэ ды ОСО-нь организациянть инициативаст коряс.

Ульнестэ колмо взводт: кавтоцеранъ, вейке—тейтерь-аванъ. Весемезэ ульнестэ 200 ламо ломанть.

Сенъ лангс атак вант, што походсонть ульнестэ ламо асатыкст, сонзэ яла теке покш практической лезэзэ. Участниктнэ сынсь неизь, кода эрви походос ванстомс эсь прыанть, кода эрви наступать ды обороняться.

Фил. Гурьянов.

— о о о —

Ловныть „Мордовская свадьба“ книганть

Эрзянь народонть седикелень ламо евкст ды морот пурнась М. Е. Евсеев. Центриздатось сынт нолдакшынзе книгасо. Неть евкстнэнь ды моротнэнь ловнокшныть сыретнеак, одтнэак.

М. Е. Евсеев пурнынзе ды 1931 истэнтэ книгасо нилдынзе эрзянь свадьбанъ койтнэнь, моротнэнь ды урнемактнэнь.

„Мордовская свадьба“ книгась нолдазь вейсэ эрзякс ды рузкс. Пек ламот сонзэ ловныцянзо Чамзинкасо. Ламонъ кудосо ули ды пек вечкевикс те книгась. Ловнокшныть эйсэзэ рузткак. Чамзинканъ средней школоса тонавтнициянть юктсто малав весе эрзянне ловнызь Евсеевевень пурнавт эрзянь моротнэнь, евкстнэнь ды „Эрзянь свадьбанть“, конат пек парсте невтити эрзянь народной творчествованть сюнав-чинзэ ды аштити минек литературанть покш вкладокс.

Н.

Отв. редакторось М. ЛЮПАЕВ